

CAPUT XLV.

PRAEPAR. EX PLUMBO.

ACETAS PLUMBI CRYSTALLIZATUS.

(Sal, vulgò *Saccharum Saturni.*)

- ℞. Carbonatis Plumbi Albi, vel Oxidi Plumbi
Semivitrificati libram unam,
Acidi Acetosi libras octo.

Coque simul balneo arenae, donec Acidum saturetur. Filtra, ad pelliculam vapora, et sepone, ut fiant crystalli. Residuum liquorem exhala denuo; idque repete, dum crystallos praebuerit.

Usus externus.

ACETAS PLUMBI LIQUIDUS.

(Extractum Saturni Liquidum.)

- ℞. Oxidi Semivitrificati Plumbi libram unam,
Aceti Albi optimi libras quatuor.

Digere in vase vitreo leni calore per aliquot dies, saepius agitando. Quiescat Liquor; quem per inclinationem transfunde, aut filtra, et in vase clauso serva.

OXIDUM PLUMBI SULPHURATUM.

(Plumbum Ustum.)

℞. Plumbi in frustula Q. V.

Funde in vase terreo non vitreato, ampliori, et adde cochleatim continenter agitando sufficientem quantitatem Sulphuris pulverati, donec in pulverem nigrum redigatur; postea in porphyrite laeviga donec in pulverem subtilem abeat.

Hic subjiciuntur

Oxidum Plumbi Semivitrificatum,

Rubrum,

Carbonas Plumbi Albus.

Vide Mater. Medic. Syllog. Clas. III.

CAPUT XLVI.

PRAEPARAT. EX ZINKCO.

ZINKCUM PURUM.

℞. Zinkci quantum volueris.

Liquefac igne moderato, quo fluat, nec ignem magis intende. Fortiter virga ferrea